



საქართველოს გაერთიანებული სახელმწიფოს და სოფლის მეურნეობის მინისტრი

ბრძანება N 2-1055

13/11/2020

ქ. თბილისი

თეთრიწყაროს მუნიციპალიტეტში, სოფ. ჯიგრაშენში შპს „ირაგას“ სასარგებლო წიაღისეულის გადამუშავებაზე (ბაზალტის ქვის დამუშავება) სკრინინგის გადაწყვეტილების შესახებ

შპს „ირაგას“ მიერ გზშ-ის ჩატარების საჭიროების დადგენის მიზნით საქართველოს გარემოს დაცვისა და სოფლის მეურნეობის სამინისტროში წარმოდგენილია თეთრიწყაროს მუნიციპალიტეტში, სოფ. ჯიგრაშენში სასარგებლო წიაღისეულის გადამუშავების (ბაზალტის ქვის დამუშავება) სკრინინგის განცხადება.

წარმოდგენილი დოკუმენტაციის თანახმად, შპს „ირაგას“ სასარგებლო წიაღისეულის (ბაზალტის ქვა) გადამამუშავებელი საწარმოს მოწყობას გეგმავს თეთრიწყაროს მუნიციპალიტეტში, სოფ. ჯიგრაშენში (GPS კოორდინატები: X-446618; Y-4599979). საწარმოს განთავსება დაგეგმილია შპს „ირაგას“ მიერ 2019 წლის მარტში მოპოვებული №100000637 წიაღით სარგებლობის ლიცენზიით გამოყოფილი სამთო მინაკუთვანის ფარგლებში. სკრინინგის განცხადების თანახმად, საპროექტო ტერიტორიიდან უახლოესი საცხოვრებელი სახლი დაშორებულია დაახლოებით 430 მ-ით. საწარმო მოეწყობა 0,2 ჰა ფართობის მქონე მიწის ნაკვეთზე, რომელიც წარმოადგენს ბაზალტის ქვის მომპოვებელი კარიერის ყოფილ სანაყაროს (აღნიშნული სანაყარო მოქმედი იყო 10 წლის წინ). შესაბამისად, როგორც საწარმოს ტერიტორია ისე მისი მიმდებარე ტერიტორია მთლიანად დეგრადირებულია.

სკრინინგის განცხადების თანახმად, შპს „ირაგას“ გეგმავს მოსაპირკეთებელი ქვის, კერძოდ ბაზალტის ქვის დახერხვას, დამუშავებას და სხვადასხვა ნაკეთობის დამზადებას. ყოველწლიურად საწარმო ნედლეულის სახით გამოიყენებს 930 მ³ ბაზალტის ქვის ბლოკს. წელიწადში დაგეგმილია 8000 მ² ქვის ფილის, 8000 მ² ქვაფენილის, 3000 მ ბორდიურის დამზადება, 300 დღიანი, დღეში 10 საათი სამუშაო რეჟიმით. რისთვისაც საპროექტო ტერიტორიაზე იგეგმება შემდეგი დანადგარების განთავსება: ქვის საჭრელი დაზგა 1600 მმ-იანი დიამეტრის ხერხით; ქვის საჭრელი ჩარხი 1400 მმ-იანი დიამეტრის ხერხით; სამი ცალი ქვის საჭრელი ჩარხი 1300 მმ-იანი დიამეტრის ხერხით; ქვის ჩამოსაგანი ჩარხი; ქვის სახეხი (სახვეწი) ჩარხი. ქვის ხერხვის, ჩამოგანვისა და ხვეწის პროცედურები განხორციელდება სველი მეთოდით.

წარმოდგენილი განცხადების მიხედვით, საწარმოში ნედლეულის, ბაზალტის ქვის ბლოკის შემოტანა მოხდება ავტოთვითმცლელელებით, საკუთარი კარიერიდან. (შესაძლოა სხვა კარიერებიდან შემოტანა და დამუშავება). შემოტანილი ბლოკი დასაწყობდება ნედლეულის საწყობში, სადაც მექანიკური საშუალებების გამოყენებით მოხდება მისი წინასწარი დამუშავება, კერძოდ სასურველი სიდიდის ნამზადებად დაპობა. უროს მორიგეობით დარტყმის მეშვეობით მოხდება ქვის გაპობა და ნამზადების მიღება. შემდგომ ნამზადები ტელფერის მეშვეობით მიეწოდება ქვის სახერხ და ნადაგარებს. თავდაპირველად ნამზადი გადაიტანება სახერხი და ნადაგარის მოძრავ ურიკაზე, გასწორდება იმის მიხედვით თუ რა ზომის ლუგვია საჭირო და მოხდება ლუგვის ფორმირება. ფორმირებული ლუგვი, ასევე ტელფერის მეშვეობით მიეწოდება შემდეგ ხერხს (უმეტეს შემთხვევაში უფრო მცირე დიამეტრის) და მოხდება სასურველ ზომებად დახერხვა. საბოლოო სახეს პროდუქცია მიიღებს ქვის ჩამოსაგან და სახეხ (სახვეწ) და ნადაგარებზე.

საწარმოში წყლის გამოყენება მოხდება როგორც საწარმოო, ისე საყოფაცხოვრებო (5 - 6 მ³/წელ) მიზნებისთვის. საწარმოო მიზნებისთვის წყალი შემოიზიდება ავტოცისტერნებით და ჩაისხმევა ტერიტორიაზე განთავსებული 25 მ³ ტევადობის წყლის რეზერვუარში, საიდანაც მოხდება სამსაფეხურიანი სალექარების შევსება. ტექნოლოგიურ პროცესში გამოყენებული იქნება წყლის ბრუნვითი სისტემა, შესაბამისად გამოყენებული წყალი თვითდენით ჩაედინება სამსაფეხურიან სალექარში, საიდანაც ტუმბოს მეშვეობით უკანვე მიეწოდება მუშა მდგომარეობაში მყოფ და ნადაგარებს და საწარმოო ჩამდინარე წყლების ჩაშვებას ადგილი არ ექნება. ნადაგარების გამართული მუშაობისათვის ზაფხულში თვეში საჭირო იქნება დაახლოებით 50 – 60მ³, ხოლო ზამთრის პერიოდში 25 – 28მ³ წყალი. რაც შეეხება საყოფაცხოვრებო მიზნებისთვის გამოყენებულ წყალს, მისი ჩაშვება მოხდება საასენიზაციო ორმოში, რომელიც პერიოდულად გაიწმინდება შესაბამისი სამსახურის მიერ.

სკრინინგის განცხადების თანახმად, საქმიანობის შედეგად მოსალოდნელია მხოლოდ საყოფაცხოვრებო ნარჩენების წარმოქმნა, რომლისთვისაც ტერიტორიაზე განთავსებულია კონტეინერი. საყოფაცხოვრებო ნარჩენები ხელშეკრულების საფუძველზე გატანილი იქნება მუნიციპალურ ნაგავსაყრელზე. საწარმოს ტექნოლოგიური პროცესის შედეგად ნარჩენი პრაქტიკულად არ წარმოექმნება. ქვის გადამუშავების შემდგომ დარჩენილი ნებისმიერი ზომის ნატეხის ან/და ჩამონაჭერის გამოყენება მოხდება სახლების, გზების, სავალი ბილიკების და ა.შ. მშენებლობისას. უდანაკარგოდ გამოიყენება ასევე სალექარების გაწმენდისას ამოღებული ლამი, როგორც ბეტონის შემავსებელი (მაგ. ბეტონის ბლოკების წარმოებისას).

სკრინინგის განცხადების მიხედვით, საწარმოს ექსპლუატაციის ეტაპზე გამოიყოფა მხოლოდ მტვერი, რომელიც წარმოადგენს ჰაერის მექანიკურ მინარევს და თავისი ტოქსიკურობით განეკუთვნება მე-3 კლასს. წარმოდგენილი დოკუმენტაციის თანახმად, საწარმოს ექსპლუატაციის შედეგად მოსალოდნელი ატმოსფერულ ჰაერში გაფრქვეულ მავნე ნივთიერებათა ანგარიში განხორციელდა საანგარიშო მეთოდის გამოყენებით, რომლის მიხედვითაც საწარმოს ექსპლუატაციის ეტაპზე ატმოსფერულ ჰაერზე მნიშვნელოვანი უარყოფითი ზემოქმედება მოსალოდნელი არ არის. სკრინინგის

განცხადების თანახმად, საწარმოს ექსპლუატაციის ეტაპზე მოსალოდნელია ხმაურის წარმოქმნა და გავრცელება. საწარმოს ექსპლუატაციის ეტაპზე ხმაურის წყაროს წარმოადგენს ტექნოლოგიურ პროცესში ჩართული დანადგარ-მექანიზმები, მაგრამ საქმიანობის სპეციფიკის, ბუნებრივი ხმის ჩამხშობი ბარიერების და მოსახლეობისგან დაშორების მანძილის გათვალისწინებით (430 მ) ხმაურის დონის დასაშვები ნორმების გადაჭარბებას ადგილი არ ექნება.

ქვის გადამამუშავებელი ობიექტი განთავსდება ყოფილი კარიერის ტერიტორიაზე, სადაც ბუნებრივი გარემო, ფლორა და ფაუნა დეგრადირებულია. მის მიმდებარედ გავრცელებული არ არის ცხოველთა და ფრინველთა მრავალფეროვანი და იშვიათი სახეობები, ამდენად ცხოველთა სამყაროზე ზემოქმედება მოსალოდნელი არ არის. საპროექტო ტერიტორიის სიახლოვეს დაცული ტერიტორიები და კულტურული მემკვიდრეობის ძეგლები არ ფიქსირდება.

„გარემოსდაცვითი შეფასების კოდექსის“ მე-7 მუხლის მე-5 ნაწილის შესაბამისად, სკრინინგის განცხადება გამოქვეყნდა სამინისტროს ოფიციალურ ვებგვერდზე და თეთრიწყაროს მუნიციპალიტეტის მერიის საინფორმაციო დაფაზე. საზოგადოების მხრიდან აღნიშნულ საქმიანობასთან დაკავშირებით სამინისტროში წერილობითი შენიშვნები და მოსაზრებები წარმოდგენილი არ ყოფილა.

შპს „ირაგას“ მიერ დაგეგმილი საქმიანობის ადგილმდებარეობის, საქმიანობის სპეციფიკის, მასშტაბის და მოსახლეობასთან დაშორების მანძილის (430 მეტრი) გათვალისწინებით მოსალოდნელი არ არის მნიშვნელოვანი ზემოქმედება გარემოზე.

ზემოაღნიშნული კრიტერიუმების გათვალისწინებით, „გარემოსდაცვითი შეფასების კოდექსის“ მე-7 მუხლის მე-6 ნაწილის და ამავე კოდექსის II დანართის 5.1 ქვეპუნქტის საფუძველზე,

ვ ბ რ ძ ა ნ ე ბ:

1. მიღებულ იქნეს სკრინინგის გადაწყვეტილება, რომ თეთრიწყაროს მუნიციპალიტეტში, სოფ. ჯიგრაშენში შპს „ირაგას“ სასარგებლო წიაღისეულის გადამამუშავება (ბაზალტის ქვის დამამუშავება) არ დაექვემდებაროს გარემოზე ზემოქმედების შეფასებას;
2. შპს „ირაგა“ ვალდებულია „გარემოსდაცვითი შეფასების კოდექსის“ მე-7 მუხლის მე-8 ნაწილის შესაბამისად უზრუნველყოს გარემოსდაცვითი ტექნიკური რეგლამენტებით დადგენილი მოთხოვნებისა და გარემოსდაცვითი ნორმების დაცვა;
3. ბრძანება დაუყოვნებლივ გაეგზავნოს შპს „ირაგას“;
4. ბრძანება ძალაში შევიდეს შპს „ირაგას“ მიერ ამ ბრძანების გაცნობისთანავე;
5. სკრინინგის გადაწყვეტილების გაცემიდან 5 დღის ვადაში აღნიშნული გადაწყვეტილება განთავსდეს სამინისტროს ოფიციალურ ვებგვერდზე და თეთრიწყაროს მუნიციპალიტეტის აღმასრულებელი ან/და წარმომადგენლობითი ორგანოს საინფორმაციო დაფაზე;

6. ბრძანება შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (თბილისი, დ. აღმაშენებლის ხეივანი, მე-12 კმ. N6) მხარის მიერ მისი ოფიციალური წესით გაცნობის დღიდან ერთი თვის ვადაში.

ლევან დავითაშვილი



მინისტრი